

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya
No. Telefon : 03-8882 5562
No. Fax : 03-8882 5569

LAWATAN YB MENTERI PDNHEP SEMPENA PELAKSANAAN SKIM HARGA MAKSIMUM MUSIM PERAYAAN (TAHUN BARU CINA) 2022

KUALA LUMPUR, 29 Januari 2022 – YB Dato Sri Alexander Nanta Linggi, Menteri Perdagangan Dalam Negeri dan Hal Ehwal Pengguna telah mengadakan lawatan sempena hari pertama pelaksanaan Skim Harga Maksimum Musim Perayaan Tahun Baru Cina 2022 di Pasar Besar Pudu, Kuala Lumpur. Turut hadir dalam lawatan ini adalah YBhg. Datuk Seri Hj. Hasnol Zam Zam bin Hj. Ahmad, Ketua Setiausaha KPDNHEP, Tuan Shamsul Nizam bin Khalil, Timbalan Pengarah Penguat Kuasa (Operasi) KPDNHEP dan Tuan Ariffin bin Samsudin, Pengarah KPDNHEP Wilayah Persekutuan Kuala Lumpur.

2. Tujuan lawatan ini diadakan adalah untuk melihat sendiri tahap pematuhan peniaga terhadap pelaksanaan Skim Harga Maksimum Musim Perayaan Tahun Baru Cina 2022 ini selain mendapatkan maklumat yang jelas berhubung isu dan permasalahan yang berlaku di kalangan peniaga khususnya berkaitan harga barangan dan situasi bekalan keperluan ketika ini.

3. Skim Harga Maksimum Musim Perayaan Tahun Baru Cina 2022 ini berkuatkuasa pada 29 Januari 2022 sehingga 4 Februari 2022. Sebanyak

enam (6) jenis barangan harga terkawal dikuatkuasakan melibatkan kategori hasil laut, barangan kering dan daging babi.

4. Sebelum ini Kerajaan telah pun melaksanakan Skim Harga Maksimum Keluarga Malaysia (SHMKM) yang bermula pada 1 Januari 2022 dan akan tamat pada 4 Februari 2022 melibatkan 12 jenis barangan di bawah kategori ayam, telur ayam dan sayur-sayuran sebagai salah satu langkah jangka masa pendek oleh Kerajaan untuk menstabilkan harga barang dan memastikan keberadaan bekalan di pasaran.

5. Jumlah keseluruhan barangan terkawal di bawah SHMKM dan Skim Harga Maksimum Musim Perayaan Tahun Baru Cina 2022 ini adalah sebanyak 18 jenis barangan.

6. KPDNHEP berharap agar semua peniaga terus mematuhi harga terkawal di bawah SHMKM dan Skim Harga Maksimum Musim Perayaan Tahun Baru Cina 2022 ini selain perundangan lain yang dikuatkuasakan oleh Kementerian bagi mengelakkan dikenakan tindakan tegas oleh pihak berkuasa.

7. Pihak Kementerian juga berharap dengan pelaksanaan skim ini sedikit sebanyak dapat membantu meringankan beban pengguna berikutan peningkatan kos sara hidup yang berlaku ketika ini selain memastikan bekalan barangan tertentu mudah diperolehi sepanjang musim perayaan ini.

8. Dalam situasi kos sara hidup yang tidak menentu ini, pengguna disarankan untuk lebih bijak di dalam menguruskan perbelanjaan harian termasuklah dengan melakukan perbandingan harga di lokaliti tertentu sebelum melakukan pembelian melalui kemudahan aplikasi *Price Catcher* yang disediakan oleh pihak Kementerian sebagai salah satu langkah untuk berjimat-cermat dan mengelakkan daripada dimanipulasi oleh segelintir peniaga yang tidak bertanggungjawab.

9. Sekiranya pengguna mempunyai sebarang maklumat berhubung salah laku peniaga yang berkaitan boleh melaporkan kepada pihak KPDNHEP melalui saluran aduan berikut:

- i. WhatsApp 019-279 4317
- ii. Portal Aduan; e-aduan.kpdnhep.gov.my
- iii. Call Centre 1-800-886-800
- iv. Emel e-aduan@kpdnhep.gov.my
- v. Ez ADU KPDNHEP
- vi. Pusat Arahan Penguatkuasaan (ECC) 03-8882 6088/6245

YB Dato Sri Alexander Nanta Linggi

Menteri Perdagangan Dalam Negeri
dan Hal Ehwal Pengguna

PUTRAJAYA

29 Januari 2022

LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran. Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidaktentuan. Perdagangan pengedaran perlu kukuh bagi menampunkan sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkap dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam mengurusniaga, dan hasilnya adalah negara yang seimbang dari segi ekonomi dan sosial.

Agensi di bawah KPDNHEP :

